

# INUIT ATAQATIGIIT

## Inatsisartuni



8. februar 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquut imattoq matumuuna saqqummiuppara.

### **Naalakkersuisunut apeqquut:**

- 1. Februarip 3-at 2021 Naalakkersuisut nalunaarput Kuannersuarni aatsitassarsiorniarnermut tunngatillugu tusarniaanerit sivitsorlugit 1. Juni 2021-ip tungaanut. Taamatut aalajangernerminnut Naalakkersuisut tunngavilersuutigivaat innuttaasut kissaataat arlariit tusaaniarsimallugit. Aamma innersuussutigineqarpoq kommunemut qinersinissaq, communalbestyrelset nutaat tusarniaanermi peqataanissaat angumerineqarsinnaammat, taakkuusussaamatami aatitassarsiorfiliortoqassappat tassannga aamma sunnerneqartussat.**
- 5. februar 2021 Greenland Minerals Ltd allapput<sup>1</sup> tusarniaanerup sivitsorneqarnissaanik namminneq Naalakkersuisunut siunnersuuteqarsimallutik.**

### **Naalakkersuisut qinnuigineqarput nassuaaqquullugit tusarniaanerit sivitsorneqarnerannut patsisaasoq tassaanersoq:**

- a. Greenland Mineralsip siunneruuteqanerat *imaluunniit***
- b. Innuttaasut kissaataat**

(Inatsisartuni ilaasortaq Sofia Geisler, Inuit Ataqatigiit)

### **Tunngavilersuut:**

Kuannersuarni aatsitassarsiorfiliortoqarsinnaaneranut apeqqummut imaannaannngitsumut atatillugu oqallinnermi pingaaruteqartorujussuuvooq innuttaasut qinikkaminnut naalakkersuinikkullu aqtsinermut tatiginnilluinnarnissaat. Tassalu apeqquserneqanngilluinnassasoq aalajangiisussat tassaammata Naalakkersuinikkut aqtsisut, tassaanatillu suliffeqarfii aningaasaqarnikkut immikkut soqtigisaqartut.

Naalakkersuisut innuttaasunut oqaatigisariaqarpaat aalajangertussat tassaanngimmata suliffeqarfii aningaasaqarnikkut soqtigisaqarnertik pissutigalugu akuusut.

<sup>1</sup><https://www.openbriefing.com/AsxDownload.aspx?pdfUrl=Report%2FComNews%2F20210205%2F02338179.pdf>

Taamatuminnga Naalakkersuisut naqissusiinissaat qulaani apeqqutit akineqarnerisugut pissasoq naatsorsuutigaara.

Kissaatigivara apeqqutikka ullut suliffiusut qulit qaangiutinnginneranni akineqarnissaat.